

Terma Reference

Trajner për workshop-e me Profesionistë të Kujdesit Shëndetësor mbi Dhunën me Bazë Gjinore (GBV)

Konsulencë	Trajner/Ekspert për workshop-e me Profesionistë të Kujdesit Shëndetësor mbi Dhunën me Bazë Gjinore (GBV) Tirana për Gratë: Barazi, Mbrojtje dhe Fuqizim
Kohezgjatja e shërbimit	1 muaj
Zona e projektit	Vaqar, Ndroq dhe Pezë
Data e mundshme e fillimit të shërbimit	26 Shtator 2025

Nisma për Ndryshim Shoqëror ARSIS, në kuadër të projektit “Tirana për Gratë: Barazi, Mbrojtje dhe Fuqizim”, të mbështetur nga Bashkimi Evropian përmes Skemës së Granteve të Vogla të administruar nga GADC, po kërkon të rekrutojë një ekspert/trajner me eksperiencë të gjerë në fushën e shëndetësisë dhe/ose mbrojtjes sociale, me njohuri të thelluara mbi adresimin e dhunës me bazë gjinore (GBV).

Ky rol është thelbësor për të kontribuar në ngritjen e kapaciteteve të profesionistëve të vijës së parë në Vaqarr, Ndroq dhe Pezë, duke i pajisur ata me aftësi praktike dhe qasje shumëdisiplinore për të identifikuar, trajtuar dhe referuar rastet e dhunës me bazë gjinore në mënyrë të koordinuar dhe të ndjeshme ndaj traumës.

Rreth Nisma për Ndryshim Shoqëror ARSIS

Nisma për Ndryshim Shoqëror ARSIS (shkurtimisht NISMA ARSIS) është një organizatë jofitimprurëse, e cila është themeluar në shkurt të vitit 2016. NISMA ARSIS është një aktor jo qeveritar me influencë në sektorin e shoqërisë civile në Shqipëri.

Mision i NISMA ARSIS është angazhimi për avancimin e të drejtave të fëmijëve, të rinjve dhe familjarëve të tyre që përballen me vulnerabilitet, duke ofruar shërbime gjithëpërfshirëse dhe duke lehtësuar integrimin me dinjitet të tyre në shoqëri. NISMA ARSIS advokon dhe lobon në nivel lokal dhe qendror mbi çështjet e mbrojtjes së fëmijëve dhe të rinjve, zhvillimit dhe pjesëmarrjes, përmirësimit të kushteve social-ekonomike të familjeve të tyre dhe fuqizimit të kapaciteteve të shërbim ofruesve, organizatave jofitimprurëse, profesionistëve dhe aktorëve të tjerë të cilët punojnë me fëmijët në situatë vulnerabël.

Përshkrimi i Projektit

Nisma ARSIS po zbaton projektin “Tirana për Gratë: Barazi, Mbrojtje dhe Fuqizim”, i cili synon të përmirësojë përgjigjen institucionale ndaj dhunës me bazë gjinore (GBV) përmes forcimit të rolit të institucioneve shëndetësore dhe përfshirjes aktive të komuniteteve të marginalizuara në monitorim dhe ndërgjegjësim.

Një nga sfidat kryesore që adreson projekti lidhet me aksesin e pabarabartë të grave dhe vajzave veçanërisht atyre nga komunitetet e marginalizuara në shërbime të sigurta, dinjitoze dhe të ndjeshme ndaj gjinisë në sistemin e kujdesit shëndetësor. Profesionistët e kujdesit shëndetësor janë shpesh pika e parë e kontaktit për viktimat e dhunës me bazë gjinore, por kapacitetet e tyre për identifikimin e

hershëm, mbështetjen me qasje të ndjeshme ndaj traumës dhe përdorimin e mekanizmave të referimit mbeten të kufizuara, veçanërisht në zonat rurale si Vaqarr, Ndroq dhe Pezë.

Objektivat e Angazhimit

Të konceptojë dhe të zbatojë tre workshop-e të dedikuara (dy ditë secili) me gjithsej 50 profesionistë të kujdesit shëndetësor (mjekë, infermierë, psikologë, punonjës socialë) në Vaqarr, Ndroq dhe Pezë. Workshop-et do të ndërtojnë kapacitetet e pjesëmarrësve për të adresuar dhunën me bazë gjinore përmes një qasjeje të integruar, shumëdisiplinore dhe të ndjeshme ndaj traumës.

Roli dhe përgjegjësitë

Trajneri i përzgjedhur do të:

- Hartojë metodologjinë dhe agjendën e trajnimit të përshtatur për nevojat e profesionistëve shëndetësorë në zonat rurale.
- Zbatojë tre ëorkshop-e njëditore duke mbuluar:
 - a) Identifikimin e hershëm të rasteve të GBV.
 - b) Komunikimin empatik dhe të ndjeshëm ndaj traumës me viktimat.
 - c) Protokollet e emergjencës dhe dokumentimin mjekësor/ligjor.
 - d) Përdorimin e mekanizmave lokalë të referimit dhe bashkërendimin me shërbime të tjera.
- Aplikojë metoda pjesëmarrëse si diskutime mbi raste konkrete, simulime dhe të nxënit nga bashkëmoshatarët.
- Përgatisë materialet e trajnimit (fletë-informuese, prezantime, raste praktike).
- Përpilojë një raport përfundimta

Produktet e pritshme

- Agjenda dhe materialet e trajnimit (miratohen nga Nisma ARSIS përpara fillimit të workshop-eve) (një ditë e gjysëm).
- Zhvillimi i tre workshop-eve (një ditë secili, 50 pjesëmarrës në total).
- Raport përfundimtar (5–7 faqe) me përmbledhje të përmbajtjes së trajtuar, pjesëmarrjen, vlerësimin e trajnimit dhe rekomandime për ndërtime të mëtejshme kapacitetesh (një ditë e gjysëm).

Kualifikimet dhe Eksperienca e Kërkuar

Eksperti duhet të plotësojë kriteret e mëposhtme:

Arsimi dhe Kualifikimet Akademike:

- Diplomë Master ose më e lartë në Shkenca Sociale (Punë Sociale, Psikologji, Pedagogji ose fusha të ngjashme).
- Ekspertizë e dëshmuar në fushën e GBV, qasje të ndjeshme ndaj traumës dhe trajnime shumëdisiplinore.
- Eksperiencë e mëparshme në trajnime me profesionistë të kujdesit shëndetësor në Shqipëri ose rajon.

Eksperienca Profesionale:

- Të paktën 5-7 vjet përvojë në hartimin e kurrikulave trajnuese për profesionistët ofrues të shërbimeve sociale.
- Pjesëmarrje në projekte të mëparshme që lidhen me ndërtimin e kapaciteteve të profesionistëve të shërbimeve sociale.

Afatet dhe dorëzimet që priten nga eksperti

Eksperti pritët të dorëzojë:

- Materialet e trajnimit (prezantime, udhëzues, pyetësorë vlerësimi, etj.)

Politikat e Mbrojtjes së Fëmijëve: Të gjithë personat që punojnë me programet e Nisma ARSIS janë të detyruar të respektojnë politikat e mbrojtjes së fëmijëve, politikat e mbrojtjes nga abuzimi dhe shfrytëzimi seksual, rregulloren e brendshme të Nisma ARSIS, kodin e sjelljes, Legjislacionin e plotë për Mbrojtjen e Fëmijëve si dhe çdo dokument tjetër për të cilin duhet të ketë dijeni.

Koha e mundshme e fillimit të punës është 26 shtator 2025.

Kohëzgjatja e ofrimit të shërbimit është përgjatë periudhës 26 Shtator – 26 Tetor 2025.

Kjo ekspertizë përfshin 6 ditë pune.

Procedura e aplikimit:

Aplikantët e interesuar për të aplikuar për këtë thirrje duhet të dërgojnë me email:

1. CV-në;
2. Letër interesi që shpjegon dhe përvojën në eksperiencë të ngjashme;

brenda datës **22 shtator 2025** në info@nisma-arsis.org, në përgjigje të ftesës me email.